



**PROGRAMA  
VII GOVERNULUI KONSTITUSIONAL**



**MEDIDAS NO OBJETIVOS  
2017-2022**

## SETÓR INFRAESTRUTURA

### PRESTASAUN SERVISU IHA AREA INFRAESTRUTURAS

1. VII Governu Konstitusional komprometidu atu kontinua utiliza reselta husi fundu petrolíferu ho sustentabilidade atu finansiá investimentu produtivu ba infraestrutúra física iha setor ekonomiku prioritario, promove sistema jestaun iha investimentu publiku, promove infraestrutúra ekonomika moderna no estratejiku ba diversifikasaun ekonomika.
2. Governu mos sei haforsa kapasidade avaliasaun ba projetu potensial iha entidades governamentais ne'ebé responsavel iha área ida nee no sei haforsa koordinasaun atu konstrui estrada rural no halo planu desenvolvimento setóral Kafee no Turizmu.



### ESTRADAS NASIONAL, RURAL NO INFRAESTRUTURA KOSTA SUL

1. VII Governu Konstitusional komprometidu kontinua konstrusaun, rehabilitasaun no manutensaun ba Estrada nasional, municipal tuir padraun internacional, kontinua infraestrutúra rodoviáriu ne'ebé nesessariu no kontinua apoia desenvolvimento kosta sul.
2. Governu mos sei promove abordajen ba 'Estrada ba Desenvolvimento' ne'ebé lao tiha ona tuir rekomendasau Planu Mestre ba Estrada Rural.



### BEE MOS NO SANEAMENTU BA EMA HOTU

1. VII Governu Konstitusional komprometidu atu hadia forneseментu beé mos ba ema hotu.
2. Governu mos sei kontinua promove desenvolvimento embeza iha setór beé no saneamentu no iha tinan lima nia laran Governu sei harii "Empreza Municipal no Inter-Municipal" ba desenvolvimento beé no saneamentu.
3. Governu mos sei atrai setór privadu atu halo parseria Publiku- Privada (PPP) no jestaun ba konsesau.



### IRIGASAUN

VII Governu Konstitusional komprometidu atu kontinua halo konstrusaun ba barajen, retensaun bee superficial ba irigasaun inklui dessalinizasaun, konstrusaun husi rezervatoriu, instalasaun husi sistema tratamentu beé nian iha fatin hotu.



## SETÓR INFRAESTRUTURA

### ELETRISIDADE BA EMA HOTU

1. VII Governu Konstitusional komprometidu atu aprova no implementa Tarifaria ne'ebé la hanesan tuir tipu konsumedores oi-oin, hanesan kliente partikular, komersial no industrial.
2. Governu sei halo estudo kona ba viabilidade hodi hatama solusaun balun relaciona ho enerjia alternativa no sei inklui kombustivel foun ba produsaun enerjia eletrica hanesan gas natural. Governu mos sei halo estudo atu re-estrutúra fali EDTL hodi hasa'e ninia efesiénsia operacional no ekonomika.
3. Alendemaís Governu mos sei atrai Setór Privadu hodi investe iha setór enerjia rai laran.



### AVIASAUN SIVIL

1. VII Governu Konstitusional komprometidu atu halo espansaun ba Aeroportu internacional "Presidente Nicolao Lobato" iha Dili no Airoportu Internacional iha Baucau hodi apoia atividade Turistiku. Governu mos sei halo estudo kona ba Aerodromu Municipal tuir planu mestre.
2. Governu kontinua haforsa kapasidade Autoridade Aviasaun Sivil Timor-Leste hodi garante regulamentu ida efetivu ba setór transporte aerou. Kontinua haforsa administrasaun ba aeroportu no Navigasaun área Timor nian, inklui reforsa kapasidade liu husi mekanizmu no inovasaun.



### MODERNIZA INFRAESTRUTURA PORTU

1. VII Governu Konstitusional komprometidu atu halo konstrusaun Portu Tibar nuha alternativa ba Portu Dili. Portu Dili sei moderniza no conserva hanesan Maritima ba Sidade no Kruzeiru.
2. Governu mos sei kontinua garante konstrusaun ba Portu no Baze Fornesimentu Sual Portu ba Pesca iha Laga, Lautem, Kairabela, Venelise ho objetivu atu asesu ba tasi iha Munisípiu Baucau no Lautem hodi apoia setór Turizmu. Governu mos sei promove estudo atu harii Portu Manatuto no kria liña Maritima nasional ida, hodi bele fasilita transporte ba kambotajen no ligasaun kosteira, hodi nuneé bele fornese servisu transporte marítimu ba ema hotu iha Timor Leste.



### TELEKOMUNIKASAUN

1. VII Governu Konstitusional komprometidu haforsa Autoridade Nasional Komunikaun iha parte institucional inklui moderniza kuádru normativa.
2. Governu mos sei halo dialogu intensivu ho operador telekomunikaun privadu hodi garante investimentu iha liña no ligasaun kabu ho fibra óptika.
3. Alende ida ne'e governu mos sei kontinua promove dizeminasaun asesu ba Internet.



## SAÚDE

1. VII Governu Konstitusional komprometidu atu haforte liu tan rekursu umanu ba saúde primária ho kualidade, garante asesu efektivu no kualidade ba prestasaun kuida saúde ne'ebé preventivu, promosional, kurativu no kontinua reabilitasaun.
2. Governu sei kontinua estimula parseria publiku-privada iha área saúde.
3. Governu mos sei hasa'e kualidade ba atendimentu médiku espesializadu, kontinua realsa promosaun saúde iha edukasaun, foka atensaun espesial ba doénsa kardiovaskular, diabetes no patolojia ontolojika i mos moras ne'ebé hamosu estigma sosiál.
4. Governu sei garante disponibilidade no distribuissau ekilibrada Ai-Moruk, hadiak sistema informasaun ba saúde no halo preskripsaun eletrónica.



## EDUKASAUN

1. VII Governu konstitusional sei implementa medida nesesáriu hodi asegura asesu hanesan ba labarik hotu-hotu iha eskola públiku.
2. Governu sei konsentra iha kualidade edukasaun hodi hadi'a kurikulu, formasaun dosente no aumenta número eskola no sala ne'ebé disponivel ba estudante sira.
3. Governu sei kontinua programa Merenda Eskolár, Bolsa estudo no hametin parseria ho igreja Katólíka no relijioza sira seluk hodi kontinua buka kualidade edukasaun ne'ebé di'ak.



## INKLUZAUN SOSIAL

1. VII Governu Konstitusional komprometidu atu kontinua fó proteasaun no seguransa sosial ba ema hotu; Aprova lei baze Proteasaun Sosial. Governu kontinua fó assisténsia sosial, haforsa sistema seguransa sosial, fó atensaun espesial ba labarik sira, kontinua apoia projetu empreenda lorizmu ba difisiénsia, dezempregadu no graduadu sira. Implementa Política Nasionál ba Defisiénsia no garante prestasaun sosial ba traballador hodi hasa'e komektividade no koezaun sosial.
2. Governu sei kontinua identifika no fó apoia sosial ba komektividade no pekuniaria (pagamentu osan) ba familia ho nesesidade bot (kardio-vascular). Kontinua apoia uma kain Martir nian, kontinua konstrusaun ba Sítio Herói no Jardim Herói. Prioritiza kriaun Konsellu Nasionál Kombatentes ba Lagaletasaun Nasionál.
3. Governu mos sei foka ba Ekonomia Sosial no Solidaria liu husi Programa Nasionál Apoia ba Ekonomia Sosial no Solidária, Moderniza mekanizmu administrasaun hanesan "Koperativa ho Oras".
4. Governu nafatin garante implementasaun Planu Asaun Nasionál Kontra Violénsia, Planu Asaun Nasionál Feto, Paz no Seguransa no Kontribui ba implementasaun Orsamentu Sensível ba Jéneru.



## CULTURA

1. VII Governu Konstitusional kontinua dezenvolve no promove Kultura no Patrimóniu hodi transforma setór kultural nudar feramenta transversal ba edukasaun.
2. Fó prioridade ba investimentu formasaun iha setór kultura. Apoia kriaun Biblioteca, Muzeum Nasionál, Akademia Arte no Indústira Kreativa Kultural, implementa politika kultural, dezenvolve programa kurikular iha ensinu espesífiku oinoin.
3. Apoia instituisaun no individu sira iha área arte hodi tau importansia ba valor patrimonial & Apoia Lian Ofisial i Nasionál iha relasaun histórika, kultural, linguística no artística inklui música iha âmbito CPLP no ASEAN.



## JUVENTUDE

1. VII Governu Konstitusional komprometidu atu dezenvolve área juventude liu husi formasaun umana bazeia ba kompeténsia pesoal no sosial.
2. Governu sei kria medida hodi promove koordenasaun no garante promosaun edukativa, téknika profesional nomós dezenvolve inisiativa hodi hetan asesu ba merkadu servisu.



## DESPORTU

1. VII Governu Konstitusional komprometidu hodi kontinua planifika asaun iha área desportu eskolár nivel nasionál no desportu komunitáriu iha nivel munisípiu nomós partisipasaun iha jogu universitáriu ASEAN no jogu CPLP nian. Hasa'e kondisaun Klube no instalasaun desportiva eskolar, promove atividade iha âmbito desportu infantil ka juvenil.
2. Kontinua identifika, dezenvolve talentu no apoia hodi insentiva promosaun ba kompetisaun iha nivel as.



## ABITASAUN, ORDENAMENTU TERITÓRIU NO AMBIENTE

1. VII Governu konstitusional komprometidu prepara no implementa Programa Nasionál ba Dezenvolvimentu Urbanu no Kapasitasaun ba Sidade.
2. Promove reabilitasaun ba hela-fatin no rejenerasaun urbana, baluan rede bee no saneamentu, halo konstrusaun husi Estasaun Tratamentu ba Bee Rezidual (ETAR), iluminaun pública, prasa no fatin públiku atu halimar no prátika edukasaun fizika inklui fatin ho jardim no ekipamentu sosiál hotu ne'ebé nesesáriu.
3. Governu mos kontinua fó proteasaun ba Biodiversidade, hadiak ordenamentu, florestasaun no promove utilizasaun fugaun rai mean nudar rekursu ba enerjia renovavel inklui medidas seluk ba tempu naruk.



# SETÓR EKONOMIKU

## AGRIKULTURA E PESKAS

1. VII Governu Konstitusional komprometidu atu kontinua aumenta produtividade no produksaun agrikola hanesan seguransa ai han no nutrisional, preservasasaun Kafe, kontinua produksaun ba ai horis indústrial no apoia esplorasasaun sustentavel ba peska no akuakultura inklui asegura kualidade produksaun Pekuaria no Veterenaria.
2. Governu sei implementa programa haforsa Agronegosiu no garante implementasaun ba prosedimentu padronizadu iha area kuarantena. Governu sei tau atensaun ba Silvicultura nudar sub setór iha jestaun no preservasasaun rekursu floresta no sei mobiliza rekursu hodi implementa planu investimentu florestal hodi proteje parke nasional no biodiversidade.
3. Governu mos sei kria Laboratoriu Nasional iha Setór Agrikultura.



## PETROLEU E REKURSU MINERAIS

1. VII Governu Konstitusional komprometidu atu implementa politika no jestaun Rekuras Petrolferus.
2. Governu sei prepara no promove politika no jestaun Rekursus Minerais hodi kria Autoridade ba administraun no jestaun komersial ba Projetu Tasi Mane.
3. Governu sei garante desenvolvimentu infraestrutur nesesaria ba zona tasi ibun husi Suai to Beaco atu apoia desenvolvimentu indústriia petrolifera domestika no sei dezenvolve cluster husi Supply Base, Refinaria no Indústriia Petrokimika no Gas Natural iha forma integradu.



## KOMERSIU NO INDÚSTRIA

1. VII Governu Konstitusional komprometidu atu kontinua dezenvolve Politika Komersial hodi insentiva Timor oan Diaspora iha mundu tomak atu investe iha área refere inklui insentivu valensia ekonomika kompletu zer liuhosi koperasasaun trilateral entre Timor Leste, Australia no Indonesia & kontinua prosesu adezaun ba Organizasaun Mundial Komersiu.
2. Kontinua haforsa desenvolvimentu Indústriia hodi implementa politika indústrial para atraí investor internasional iha área teknologia nudar ponte hodi estimula setór manufaktora. Promosaun investimentu dereitu Estranjeiru, dezenvolve parke Indústrial, Apoia desenvolvimentu mikro Pekena, Apoia produktu valor akresentadu no valor ba enerjia ne'ebé hodi insentivu hanesan industria petrokimika no transformasaun minarai.
3. Dezenvolve estratejia ba promosaun investimentu, harii mekanismu hodi atende keisa no reklamasaun husi investidor sira no halo promosaun ba ekonomia sosial merkadu. Gov sei fo insentivu ba movimentu Kooperativu, Asosiativu no Mutualista no kontinua hametin pozisaun TradeInvest hodi atraí investimentu privadu, setoral no estranjeiru ba promosaun espor-



# SETÓR EKONOMIKU

## TURIZMU

1. VII Governu Konstitusional komprometidu kontinua hametin regulamentu no dezenvolvimentu setór turizmu.
2. Governu sei garante protesaun ba interese traballador lokal no investiór iha área Turizmu.
3. Governu sei halo estudu atu harii Autoridade Nasional Turizmu.
4. Kontinua implementa politika nasional no promove setór Turizmu liu husi indústriia turizmu transversais ho setór sira seluk.



## SETOR PRIVADU NO INVESTIMENTU

1. VII Governu Konstitusional komprometidu atu dezenvolve no reforsa setór privadu hodi investe iha fabrikasaun, hadia ambiente negósio iha Setór finanseiru no mão de obra.
2. Governu sei kontinua promove lei traballu no reforsa regulamentasaun ba lei Migrasaun no Azilu foun inklui regulamentasaun ba lei rai no propriedade.
3. Governu sei implementa programa transversal no intervensaun pública ho programa "Loke Negósio".
4. Governu sei dezenvolve setór finanseiru hodi promove estabelesimentu rejistu jéral ho garantia réal kona ba bein imovel nomós rejistu ba ativu atu garante kredor (ema ne'ebé empresta oan) bele justifika mutuáriu/aset atu hetan garantia réal hodi fasilita asesu ba finansiamensa.



## EMPREGU

1. VII Governu Konstitusional komprometidu atu kontinua halo promosaun ba empra hodi implementa Estratejia Nasional ba Empregu.
2. Governu sei esforsu makas hodi hasa'e númeru traballador ba rai liur.
3. Governu sei kontinua halo promosaun ba kondisaun digna iha servisu.
4. Governu mos sei kontinua halo formasaun profesional liu husi atualiza Planu Nasional Formasaun Tékniku-Profisional.
5. Iha área ida ne'e, Governu sei esforsu makas hodi kontinua fornese formasaun husi sentru akreditada no foka kualifikasaun profesional ho orientasaun ba merkadu servisu.



## MODERNIZASAUN INSTITUSIONAL

### DEFEZA NO SEGURANSA

1. VII Governu Konstitusional komprometidu atu implementa medidas estratéjiku ba defeza no prevensaun teritorial. Hadia kondisaun no supervizaun iha espasu terrestre, maritimu no aero inklui Moderniza Forsas Armadas.
2. Governu mos sei propoin atu harii Konsellu Seguransa Nasional hodi kontinua apoia Seguransa Interna no Protensaun Civil, hadia Rekurus Umanus iha Setór Seguransa Defeza no mos implementa programa modernizasaun no rehabilitasaun ba infraestrutura no akizasaun ba ekipamentus nesésáriu.



### JUSTISA

1. VII Governu Konstitusional komprometidu atu garante asesu efektivu sistema justisa ba ema hotu, liu husi promosaun hodi aprosima sidadaun hotu. Kontinua programa reforma inklui servisu sentral no munisipal hodi simplifika administrativu, hasaé efesiénsia no promove servisu ba sidadaun sira, kontinua promove kooperasaun ho pais CPLP no ASEAN iha área Justisa.
2. Governu mos kontinua implementa política pública iha área rai no propriedade, Moderniza ferramenta husi transmisasaun prosesu tribunal no harii instituisaun administrasaun indereta estado atu jere Kadastru Predial Nasional.



### POLITIKA ESTERNA

1. VII Governu Konstitusional komprometidu kontinua tau prioridade ba esforsu relasaun amizade no kooperasaun ho pais vizinu no pais sira ne'ebé iha relasaun istoria, kultura no valor solidaridade no fraternidade liu liu Komunitade Koalia Lian Portugues (CPLP).
2. Partisipa ativa iha debate no buka solusaun ba dezafiu sira iha sociedade nasaun no mundu, liu liu kestaun ambiental, pirataria, imigrasaun ilegal, trafíku umanu, esplorasasaun no eskravatura sexual, narkótika no krime hasoru umanidade.
3. Kontinua dezenvolve pilar tolu hodi dudu adezaun plena ba ASEAN.
4. Mantein relasaun ho nasaun frajil (g7+).
5. Kontinua hala'o relasaun kooperasaun ho Autralia, Indonezia, Portugal, EUA no nasaun BRICS, Japaun, Korea Sul no Nasaun husi rejiaun Golfu.
6. Kontinua hala'o kooperasaun foun tur prinsipiu demokrátiku, liberdade fundamental, dame, paz, seguransa no dezenvolvimentu sustentavel.
7. Governu kontinua apoia partisipasaun Polisia no Militar iha Operasaun Dame no mantein pozisaun Timor Leste iha ONU.



## MODERNIZASAUN INSTITUSIONAL

### JESTAUN SETÓR PUBLIKU NO BOA GOVERNASAUN

1. VII Governu Konstitusional komprometidu atu kontinua Reforma Administra-saun Pública, Reforma Fiskal ba Jestaun Finansas Pública, kontinua halo Reforma Lejislativa relasiona ho Setór Justisa.
2. Governu sei esforsu makas hodi hadiak Governasaun no Jestaun iha Setór Público.
3. Governu kontinua apoia Sociedade Sivil liu husi projetu komunitáriu no kontinua halo diversifika-saun ba orgaun komunika-saun sosial.
4. Governu mos sei kontinua apoia Asosiasaun Jornalista Nasional no hadia infraestrutura fiziku ba RTTL i harii institutu Formasaun ba Jornalista sira.



### DESENTRALIZASAUN ADMINISTRATIVA NO AUTONOMIA LOKAL

1. VII Governu Konstitusional komprometidu atu foka ba programa Desentraliza-saun Administrativa no Autonomia lokal hodi hadia política reforma admin-istrativu no desenvolvimento lokal iha nível Munisípiu.
2. Governu sei dezenvolve rejime jurídiku no define regra prinsipal plane-amentu no ordenamentu teritóriu.
3. Adoasaun estatutu polítiku administrativu sidade Dili no transforma Munisípiu Sidade Metropolitana.
4. Governu sei prepara no implementa Programa Nasional ba Dezenvolvi-mentu Urbana no kapasitasaun ba sidade iha munisípiu hodi promove rea-bilitasaun ba:

- ◇ Heia fatin;
- ◇ Rejenerasaun urbana, inklui haluan rede bee no saneamentu no konstrusaun estasaun tratamentu ba bee residual;
- ◇ Iluminasaun pública;
- ◇ Prasa no fatin halimar;
- ◇ Prátika edukasaun fizika;
- ◇ Jardim no ekipamentu sosial hotu ne'ebé nesésáriu.



### DELIMITASAUN BA FRONTEIRA PERMANENTE

VII Governu Konstitusional komprometidu atu kontinua luta ba Delimitasaun Fronteira permanente ho Autralia no Indonezia nudar prioridade nasional.



## GOVERNUNIA VISAUN NO MISAUN SAIDA?

Ohin loron Timor oan sira bele sente otimista kona-ba futuru. Basa, Ita nia unidade hatur iha soberania ne'ebé mai husi fronteira sira, valór husi ita nia território nasionál, ita nia istória, ita nia ema, no ita nia identidade rasik. Ita tenke hamutuk hodi konsolida ita nia koezaun sosiál, luta hasoru assimetria no kiak, halo Timor-Leste sai país ne'ebé bele iha fiar, nakloke no favorável ba investimentu esternu. Ami sei kontinua hala'o prosesu konstrusaun ba Timor-Leste ne'ebé inkluzivu, justu no prósperu, hodi fo oportunidade hanesan ba ema hotu-hotu, tuir agenda transformasaun husi **Planu Estratégiku ba Dezenvolvimentu Nasionál 2011-2030 (PEDN)** no tuir **Objetivu Dezenvolvimentu Sustentável (ODS)**.



## GOVERNASAUN BA EMA HOTU !

## OBJETIVU SAIDA MAK GOVERNUNIA IDA NE'E ATU HETAN DURANTE TINAN LIMA OIN MAI?

### OBJETIVU BA DEZENVOLVIMENTU SOSIÁL MAK:

1. Asesu ba ensinu ho qualidade ba ema hotu;
2. Asesu ba servisu saúde ho qualidade ba ema hotu;
3. Apoiu ba ema vulnerável sira;
4. Dezenvolvimentu sustentável ba jersaun hotu-hotu;
5. Indústria kreativa ne'ebé ativa liu no promosaun kultura nasionál;
6. Foin-sa'e sira ho saude diak, instrusaun no ho valór étiku.

### OBJETIVU BA DEZENVOLVIMENTU INFRAESTRUTURA MAK:

1. Hasa'e kapasidade produtiva no hasa'e PIB potenciál;
2. Hadi'a asesu ba ema hotu-hotu hodi hetan servisu;
3. Hadi'a diak liu tan sustentabilidade iha infraestrutura sira.

### OBJETIVU BA DEZENVOLVIMENTU EKONÓMIKU MAK:

1. Hasa'e produsaun agríkola
2. Dezenvolve indústria husi rekursu naturál sira;
3. Hasa'e rendimentu liu husi kriaun ba empregu;
4. Ambiente ne'ebé favoravel ba diversifikasaun ekonómika.

### OBJETIVU BA MODERNIZASAUN INSTITUSIONÁL MAK:

1. Garantia ba defeza, seguransa no estabilidade nasionál;
2. Garantia ba sistema justisa ida ne'ebé asesivel no efetivu;
3. Hatur Timor-Leste iha integrasaun no pozisaun global;
4. Haforsa kultura demokrátika liu husi responsabilizasaun no transparénsia;
5. Jestaun ba setór públiku nebe efikásia, efisiénsia no responsabilidade.